

## PROJEKT

### MARRËVESHJE E BASHKIMIT TË SHOQËRIVE NËPËRMJET PËRTHITHJES

#### SHOQËRIA “ALBANIAN SATELLITE COMMUNICATIONS ”SH.P.K.

**Forma Juridike:** Shoqëri me përgjegjësi të kufizuar  
**Selia:** Njesia Bashkiake Nr.6, Rruga Fabrika e Qelqit, Zona Kadastrale 8230, Nr.Pas.2/63, Tiranë.  
**Kapitali Themeltare:** 280,000,000.00 Leke  
**Pjese e kapitalit:** 100%  
**ORTAKET:** Z. Artan Dulaku - zoteron 36% te kapitalit  
Z. Adrian Dulaku - zoteron 26% te kapitalit  
Z. Genci Dulaku - zoteron 25.5% te kapitalit  
Z. Benjamin Feinberg - zoteron 12,5 % te kapitalit  
**NIPT** K62115018I  
**Administrator:** Znj. Juliana Guri

#### SHOQËRIA PËRTHITHËSE

DHE

#### SHOQËRIA “BLETA ”SH.P.K.

**Forma Juridike:** Shoqëri me përgjegjësi të kufizuar  
**Selia:** Lagjia 1, Rruga”Taulantia”, pallati 1048, Durrës  
**Kapitali Themeltare:** 185,000,000 LEKE  
**Pjese e kapitalit:** 100%  
**Ortaku:** Concord Investment Sh.p.k  
**NIPT** K61819510N  
**Administrator:** Znj. Juliana Guri

#### SHOQËRIA E PËRTHITHUR

Bien dakort për sa vijon:



## 1. OBJEKTI I MARRËVESHJES

Objekt i kësaj Marrëveshje është bashkimi nëpërmjet përthithjes i shoqërisë së Perthithur “BLETA ” sh.p.k nga shoqëria Perthithese “ALBANIAN SATELLITE COMMUNICATIONS” shpk. Në këtë operacion bashkimi shoqëria “ALBANIAN SATELLITE COMMUNICATIONS” shpk do të jetë shoqëria përthithëse ndërsa shoqëria “BLETA” sh.p.k do të jetë shoqëria e përthithur.

Objekti i veprimtarisë për shoqërinë Perthithese “ALBANIAN SATELLITE COMMUNICATIONS” shpk është:

Aktivitetet e shërbimit në fushën e telekomunikacionit dhe komunikimeve elektronike, transmetimit satelitor, transmetimit të të dhënave, figurë, video, kërkime, konsultime, projekte, organizim, shpërndarja e produkteve të teknologjisë së lartë, shitja dhe zbatimi i studimeve të ndryshme, shërbimi publik i telefonisë tokësore fiksetransmetimi i të dhënave etj; kryerja e veprimeve financiare dhe tregtare që lidhen në mënyrë të drejtpërdrejtë apo tërthorazi me aktivitetin e saj, duke përfshirë këtu edhe zgjerimin e aktivitetit, krijimin e shoqërive të reja, si dhe pjesëmarrjen në kapitalin e shoqërive të reja brenda dhe jashtë vendit. Të marrë për sipër transaksione në lidhje me pasuri të luajtshme dhe ose të paluajtshme, si dhe çdo aktivitet tregtar, financiar, qiradhënës ose hipotekor i cili mund të konsiderohet i dobishëm ose i nevojshëm nga administratori, në mënyrë që të përmbushet objekti i aktivitetit të shoqërisë, me kusht që këto aktivitete të mos tejkalojnë përcaktimet e sipërcituara; dhënia e linjave me qera; të kryejë aktivitete reklamuese; të zotërojë drejtpërdrejt ose tërthorazi, interesa në shoqëri të tjera të cilat kanë qëllime të ngjashme me ato të shoqërisë, brenda dhe jashtë territorit të Republikës së Shqipërisë. Kryerja e aktiviteteve financiare jo-bankare, në përputhje me legjislacionin në fuqi në Republikën e Shqipërisë dhe rregulloret përkatëse të miratuara nga autoritetet rregullatore kompetente, të cilat përfshijnë por nuk kufizohen vetëm tek arkëtimi dhe transferimi i parave. Kryerja e aktivitetit import – eksport në përputhje me legjislacionin në fuqi në Republikën e Shqipërisë dhe rregulloret përkatëse të miratuara nga autoritetet rregullatore kompetente, shitjen dhe distribucionin e pajisjeve të telekomunikacionit si dhe të çdo lloji produkti tjetër. Kryerjen e aktivitetit të transmetimeve dhe ritransmetimeve audio dhe audiovizive nëpërmjet sistemeve të telekomunikacionit për transmetimet dhe ritransmetimet audio dhe audiovizive të çdo lloji dhe në çdo lloj rrjeti si dhe shitjen e produkteve apo shërbimeve audio dhe video në përputhje me legjislacionin në fuqi në Republikën e Shqipërisë dhe rregulloret përkatëse të miratuara nga autoritetet rregullatore kompetente.

Objekti i veprimtarisë për shoqërinë e Perthithur “BLETA” sh.p.k është:

Import-eksport, tregeti, shitblerje me shumicë e pakicë, Shërbim interneti. Ritransmetim sinjali mediatik audioviziv me kabëll dhe fibër optike. Sisteme telefonie, ndërtim rrjetesh me fibra optike, sisteme sigurie, sisteme antizjarr, sisteme vëzhgimi, ndërtim faqe web, sisteme GIS, realizim programesh për web, sisteme audio video, sisteme kontrolli të hyrjeve dhe aktivitetin e zhvillimit të aplikacioneve software.



Të dyja shoqëritë sa më lart, pra Shoqëria “ALBANIAN SATELLITE COMMUNICATIONS” sh.p.k dhe shoqëria “BLETA” sh.p.k hartojnë këtë projekt marrëveshje nëpërmjet përfaqësuesve të tyre ligjor, bazuar specifikisht në Nenet 215, 216, 225 të Ligjit Nr.9901, datë 14.04.2008 “Për tregtarët dhe shoqëritë tregtare” dhe Ligjit Nr.9723, datë 03.05.2007 dhe ndryshimet përkatëse “Për Qendrën Kombëtare të Biznesit”.

Duke qenë se Shoqëria Perthithese “ALBANIAN SATELLITE COMMUNICATIONS” sh.p.k dhe shoqëria që do të përthithet “BLETA” sh.p.k, kanë ortakë të përbashkët, ky bashkim me përthithje do të realizohet bazuar në këtë Marrëveshje.

## **2. MOTIVET DHE QËLLIMI I BASHKIMIT**

Bashkimi nëpërmjet përthithjes i shoqërisë “BLETA” sh.p.k nga Shoqëria “ALBANIAN SATELLITE COMMUNICATIONS” sh.p.k bëhet në kuadrin e riorganizimit të aktivitetit tregtar, përfshirë aktivitetin financiar dhe tregtar të Shoqërisë Përthithëse “ALBANIAN SATELLITE COMMUNICATIONS” sh.p.k.

OBJEKTI i veprimtarisë së shoqërisë Përthithëse “ALBANIAN SATELLITE COMMUNICATIONS” sh.p.k do të përfshijë dhe objektin e veprimtarisë së shoqërisë se Perthithur “BLETA” sh.p.k.

## **3. AKTIVET DHE PASIVET**

Në kuadrin e këtij operacioni bashkimi shoqëria e Perthithur “BLETA” sh.p.k do t’i transferojë shoqërisë Përthithëse “ALBANIAN SATELLITE COMMUNICATIONS” sh.p.k tërësinë e elementeve të aktivitetit dhe pasivit sipas bilancit kontabël të vitit që përfundoi më 31.12.2022, duke marrë në konsideratë edhe çdo ndryshim të ndodhur deri në momentin e përthithjes që është data 01.01.2023 dhe do të kryhet sipas pasqyrave financiare të datës 01.01.2023.

Shoqëria Përthithëse “ALBANIAN SATELLITE COMMUNICATIONS” sh.p.k dhe Shoqëria e Perthithur “BLETA” sh.p.k do të hartojnë pasqyrat financiare të muajit që përfundon më 31.12.2022, të cilat paraqesin vlerën kontabël të asetëve dhe detyrimeve të shoqërisë së përthithur deri më 01.01.2023, dhe do t’i bashkangjiten bilancit të shoqërisë përthithëse “ALBANIAN SATELLITE COMMUNICATIONS” sh.p.k.

Të gjitha marrëdhëniet kontraktuale të lidhura nga shoqëria e përthithur “BLETA” sh.p.k dhe që janë në fuqi në datën e përthithjes, transferohen te shoqëria përthithëse “ALBANIAN SATELLITE COMMUNICATIONS” sh.p.k., e cila merr përsipër të gjitha të drejtat dhe detyrimet që burojnë nga këto marrëdhënie kontraktuale.



#### **4. DATA E PËRTHITHJES**

Në aspektin juridik, data e përthithjes do të konsiderohet data e pranimit Zyrtar nga Qendra Kombëtare e Biznesit (QKB) dhe e lëshimit prej saj të Çertifikatës së Çregjistrimit të Shoqërisë së Përthithur “BLETA” sh.p.k. Efektet financiare dhe të kontabilitetit, përfshirë deklaratimet për Zyrën e Punës dhe për Organet Tatimore do të zbatohen nga data **01.05.2023**. Të gjitha operacionet e veprimtarisë pas datës **01.05.2023**, do të kryhen nga shoqëria përthithëse “ALBANIAN SATELLITE COMMUNICATIONS”sh.p.k. Pas kësaj date çdo e drejtë apo detyrim, çdo veprim financiar, ekonomik apo administrativ do të kryhet nga Kompania Perthithese “ALBANIAN SATELLITE COMMUNICATIONS” sh.p.k dhe do të pasqyrohet në kontabilitet nga shoqëria përthithëse “ALBANIAN SATELLITE COMMUNICATIONS”sh.p.k.

#### **5. TË DREJTAT DHE DETYRIMET ME PALËT E TRETA DHE ME INSTITUCIONET SHTETËRORE**

Pas datës së përthithjes, Shoqëria “ALBANIAN SATELLITE COMMUNICATIONS” sh.p.k merr çdo të drejtë e detyrim që ka patur shoqëria e përthithur “BLETA” sh.p.k. në marrëdhëniet me të gjithë personat fizikë apo juridikë si dhe institucionet shtetërore, si organet tatimore vendore dhe qendrore, përfshirë Qendrën Kombëtare të Biznesit, Drejtorinë e Regjistrimit të Automjeteve, Zyrën e Punës, etj.

Shoqëria Përthithëse “ALBANIAN SATELLITE COMMUNICATIONS” sh.p.k do të jetë përgjegjëse për ndjekjen e të gjitha procedurave dhe përgjegjësiive financiare, juridike dhe administrative me organet tatimore qendrore dhe vendore deri në çregjistrimin prej tyre të shoqërisë së Përthithur “BLETA” sh.p.k.

#### **6. KAPITALI THEMELTAR**

Duke qenë se Kompania Perthithese “ALBANIAN SATELLITE COMMUNICATIONS” sh.p.k ka ortak te shoqërisë te njejtet ortake te shoqërisë që përthithet Shoqëria “BLETA” sh.p.k., ky bashkim me përthithje do të sjell ndryshim ne perqindjet e pjesemarjeve dhe ndryshim ne Kapitalin Themeltar të shoqërisë përthithëse nga bashkimi i kapitalit te shoqërive, sipas raportit te ekspertit kontabel.

**Perfundimisht pjesemarja ne Kapitalin Themeltar prej 465.000.000 leke i Shoqërisë “ Albanian Satellite Communications” shpk pas bashkimit ( perthithjes ) paraqitet sipas tabelës së mëposhtme :**



	Përqindja në Kapital	Albanian Satellite Communications
	%	Pas Perthithjes
CONCORD INVESTMENT	39.78%	185,000,000
Z.Artan DULAKU	21.68%	100,800,000
Z.Benjamin FEINBERG	7.53%	35,000,000
Z.Adrian DULAKU	15.66%	72,800,000
Z.Genci DULAKU	15.35%	71,400,000
<b>Totali</b>	<b>100.00%</b>	<b>465,000,000</b>

## 7. TË DREJTA DHE AVANTAZHE TË VEÇANTA

Ky bashkim me përthithje nuk do të përmbajë as të drejta dhe as ndonjë avantazh të veçantë për ortakët, duke qenë se shoqëria përthithëse “ALBANIAN SATELLITE COMMUNICATIONS” sh.p.k ka thuar se te njëjtet ortakë me shoqërinë e përthithur “BLETA” sh.p.k.

## 8. MARRËDHËNIET E PUNËSIMIT

Punëmarrësit e shoqërisë së përthithur “BLETA” sh.p.k. do të transferohen në shoqërinë përthithëse “ALBANIAN SATELLITE COMMUNICATIONS” sh.p.k, nëpërmjet nënshkrimit të kontratave të reja të punësimit.

Në përputhje me dispozitat ligjore në fuqi, shoqëria e Perthithur “BLETA” sh.p.k. dhe shoqëria Perthithëse “ALBANIAN SATELLITE COMMUNICATIONS” sh.p.k, do të deklarojnë në organet tatimore respektive dhe në Zyrën e Punës largimin nga puna të punonjësve të Shoqërisë së Perthithur “BLETA” sh.p.k. dhe marrjen e tyre në punë nga Shoqëria Perthithëse “ALBANIAN SATELLITE COMMUNICATIONS” sh.p.k.

## 9. SELIA DHE ADMINISTRIMI I SHOQËRISË MBAS PËRTHITHJES.

Mbas bashkimit të shoqërive, selia e shoqërisë do jetë selia që ka shoqëria përthithëse, pra selia e shoqërisë “Albanian Satellite Communications” Sh.p.k, me adresë:

**Rruga Fabrika e Qelqit, Zona Kadastrale 8230, Nr.Pas.2/63,  
Njesia Bashkiake Nr.6Tirane.**

Administratore e shoqërisë, mbas bashkimit të tyre, do jetë administratoria aktuale e shoqërisë “Albanian Satellite Communications” Sh.p.k, znj.**Juliana Guri**.

## 10. CAKTIMI I EKSPERTIT KONTABEL

Caktohet “Filito Auditing” Shpk, një shoqëri me përgjegjësi të kufizuar, themeluar në bazë të legjislacionit shqiptar datë 01.02.2008, NUIS Nr. K81401002H, me përfaqësues ligjor Zj. Tatjana Filto (Kotepano), me Licencë Nr.67, date 10.02.2000, të lëshuar nga Instituti i Ekspertëve Kontabël të Autorizuar të Shqipërisë (IEKA), për përgatitjen e raportit përfundimtar të bashkimit me përthithje.

**Caktimi i ekspertit kontabel nga ana e Administratores se te dyja shoqerive me pas miratohet me emerim edhe nga Asambleja e Ortakeve.**

Shoqeria Perthithese

ALBANIAN SATELLITE COMMUNICATIONS shpk

Administratore

Znj. Juliana Guri



Shoqeria e Perthithur

BLETA sh.p.k

Administratore

Znj. Juliana Guri



**Hartuar ne Tirane me date  
31.03.2023**